

Spěchowańska směrnica Założby za serbski lud

Wopśimješe

- I. Powšykne póstajenja
- II. Wósebne póstajenja k spěchowańskim wobłukam
 - A. Serbske twórjece wuměłstwo
 - B. Serbske pśedstajajuće wuměłstwo
 - C. Serbska literatura
 - D. Serbska muzika
 - E. Woplěwanje domownje a nałogow
 - F. Žišece a młožinske projekty / wódychanje žiši
 - G. Pódpěranje internatnych wuknikow Serbskego gymnazija w Budyšinje a Dolnoserbskego gymnaziuma w Chóšebuzu
 - H. Pśiplašonki nosarjam lichotneje młožinskeje pomocy a nosarjam zjawneje młožinskeje pomocy z dwójorěcnymi (serbsko-nimskimi) kupkami w Bramborskej
(*wobzamknjenja Założboweje rady dla na njewěsty cas wusajžone*)
 - I. Zwenkainstitucionalne wědomnostne žěło
 - J. Rěčne kurse za górno- a dolnoserbsku rěc
 - K. Njestatne serbske muzeumy a domowniske špy
 - L. Pśedewzeša w sociokulturnem wobłuku
 - M. Stipendije
 - N. Serbske kulturne pomniki
- III. Nabyše a wusajženje plašiwosći

I. Powšykne póstajenja

Wótrězk I wopšimjejo powšykne póstajenja, kótarež se zasadnje za wšykne spěchowanja nałožuju. Wudopohnjajuce a wótbocujuce ředowanja k jednotliwym spěchowańskim wobłukam wopšimjejo wótrězk II.

Zaměr finacielneje pódpěry, pšawniski zakład

- 1.1 Załožba za serbski lud pšizwóljuo finacielne pódpěry ze zaměrom, serbsku rěc a kulturu ako wuraz identity serbskego ludu wuchowaš a wuwijaš.
- 1.2 Za pšizwólenje finacielneje pódpěry plaše wótpowědnje pšedpise §§ 23 a 44 sakskego góspodařskego pórěda we wersiji wuzjawjenja wót 10. apryla 2001 (SächsGVBl. b. 153), kótaraž jo se slědny raz pšez artikkel 1 kazni wót 21. maja 2021 (SächsGVBl. b. 578) změniła, w danej plašecej wersiji, w zastojnskich pšedpisach Sakskego statnego ministraštwu financow k sakskemu góspodařskemu pórědoju wót 27. junija 2005 (SächsABl. SDr. S. b. 226), kenž su se slědny raz změnilo pšez zastojnski pšedpis wót 23. nowembra 2022 (SächsABl. b. 1423), slědny raz zapisany w zastojnskem pšedpisu wót 6. decembra 2021 (SächsABl. SDr. S. b. 178), w danej plašecej wersiji, we zwisku z pšedlažeceju spěchowańskeju směrnicu a z artiklom 12 wótstawk 1 statnego dogrona mjazy Krajom Bramborska a Lichotnym statom Sakska wó založenju „Załožby za serbski lud“ wót 28. awgusta 1998 (SächsGVBl S. 630) ako teke z kaznju k statnemu dogronoju wó založenju „Załožby za serbski lud“ wót 9. decembra 1998 (SächsGVBl b. 629).
- 1.3 Pšawo na pšizwólenje finacielneje pódpěry njewobstoj. Rozsuženje wujžo na zaklaže wótwažowanja pó winowatosći we wobłuku k dispoziciji stojecych góspodařskich srědkow.
Raz pšizwólone pódpěry njewjedu daniž pó zawinje, daniž pó wusokosći k pšawu na spěchowanje w slědujucych lětach.

2. Pšedmjat spěchowanja

- 2.1 Pšedmjat spěchowanja su te we wótrězku II pómjenjone pšedewzeša. Mimo toho móžo se wobchodniska žělabnosć za rěc, wuměłstwo a kulturu Serbow wósebnje wuznamnych institucijow a zwězkow spěchowaš.
- 2.2 Z toš toho spěchowanja wuzamknjone su:
 - a) pšedewzeša z pšewažnje komercielnym charakterom,
 - b) měšćańske a gmejnske swěženje, swěžeńske pšesěgi,
 - c) beneficne zarědowanja a
 - d) pšedewzeša góspodařskego spěchowanja.

3. Dostawarje finacielneje pódpěry

- 3.1 Dostawarje finacielneje pódpěry mógu byš pširodne a juristiske wósoby z bydlenim abo sedłom w serbskem sedleńskem rumje Lichotnego stata Sakska respektiwne w starodawnem sedleńskem rumje Serbow w Bramborskej abo kenž maju projekt, ako se w pomjenjonem sedleńskem rumje realizěrujo.

Ze žiwanim na dopolnjenje wósebnych póstajenjow k spěchowańskim wobłukam smějo se finacielna pódpěra teke pširodnym a juristiskim wósobam daš ze sedłom a projektowym pšewježenim zwenka pomjenjonego sedleńskego ruma. Za take spěchowańske napšawy jo finacielna pódpěra až na 35 procentow finacielneje pódpěry zamóžnych wudankow wobgranicowana.

Wó wuwzešach rozsužijo załožbowa rada.

- 3.2 Dostawarje finacielneje pódpěry njamaju pšawo, pšiplašonki bžeze pšigłosowanja Załožby za serbski lud tšešim dalej dawaš.

4. Wuměnenja za finacielnu pódpěru

- 4.1 Spěchowanje jo jano dowólone, wobstoj-lic z boka załožby daloko segajucy zajm na napšawje, kenž njedajo se bžeze pšiplašenja zewšym abo nic w trjebnej rozměrje realizěrowaś.
- 4.2 Spěchuju se jano pšedewzeša, z kótarychž pšewježenim se w casu stajanja póžedanja hyšći zachopiło njejo. Docasny zachopjeńk musy se pisnje pla pšizwóleńskego zastojnstwa póžedaś. Pšigłosowanje k docasnemu zachopjeńkoju njewobkšusijo kazniske pšawo na pšiplašonk.
- 4.3 Stajař póžedanja ma se wó srědki priwatnych a drugich zjawnych pjenjezedawarjow procowaś. Na dobrowólne, dermotne wugbaša tšesich móžo se žiwaś.
- 4.4 Pšedewzeše, wó kótaregož spěchowanje jo se pšosba stajiła, ma se wót zapódawarja póžedanja regularnje we wusokosci nanejmenjej 10 procentow celkownych wudankow ze swójskich srědkow financěrowaś. Swójske srědki su wše w kasy wupokazane nabranki, kenž njejsu pšiplašenja drugich juristiskich wosobow zjawneho pšawa. Załožba móžo zniženju póžěla swójskich srědkow we pšiměrjonej rozměrje pšigłosowaś, gaž stajař póžedanja dobrowólne, dermotne wugbaša we wótpowědujucej wusokosci nawugbajo.
- 4.5 Dobrowólne, dermotne wugbaša zapódawarja póžedanja a tšesich směju se jano we wusokosci na wikach zwuconeje pjenjezneje gódnoty pówoblicyś. Wóni njejsu wobstatk financěrowańskego, etatowego abo góspodařskego plana, ale maju se separatnje wupokazaś a, dalokož su wuznamne za pšizwólenje, se we pšizwóleńskej wopowěsći ako plašece pšipóznaju.

5. Forma a wobměra, wusokosc finacielneje pódpěry

- 5.1 Pódpěra se za pšedewzeša pó cysle 2.1 sada 1 pšizwólujó ako projektowe spěchowanje. Institucijam, pomjenjonym w cysle 2.1 sada 2, móžo se institucionelne spěchowanje pšizželiś. Pšizwólenje wugronijo se **zasadnje** ako želne financěrowanje. Finacielna pódpěra ma se pši tom w pšigódných padach ako kšuta suma pšizwóliś. Njejo-lic to móžno, dajo se pšizwólenje w formje póžělnego abo pótrjebje felujucego financěrowanja abo ako dofinancěrowanje pótrjebje. Pódpěra pšizwólijo se ako pšiplašonk, kenž njetrjeba se slědk plaśiś.
- 5.2 Zakład za woblicenje wusokosci spěchowanja su te wudanki, kenž ze žiwanim na wše zasady góspodařnosći a žarjabnosći za pšewježenje napšawy wót samego nastawaju (finacielnego pódpěrowanja zamóžne celkowne wudanki).

We wobłuku institucionelnego spěchowanja lice k tomu zasadnje wšykne w etatowem abo góspodařskem planje institucije pówoblicone trjebne wudanki.

- 5.3 Finacielneje pódpěry zamóžne wudanki w ramiku projektowego spěchowanja su te w njepósrědnem zwisku z pšedewzešim wót samego nastawajuće wěcne a honorarne wudanki, we wopšawnjonych padach teke wudanki za sobuzělašerjow, kótarež su se ku góžbje pšedewzeša pšistajili. Inwestiwne napšawy njamógu se financěrowaś.

Jězdne a pšenocowańske wudanki směju se jano pó sakskem pšawje drogowańskich kostow w danej plašecej wersiji zapisaś.

Wudanki za zawěšćenja mógu se ako finacielneje pódpěry zamóžne pšipóznaś, jo-lic su pó kaznjach pšedpisane abo za dojspiše finacielneje pódpěry zamóžnego zaměra notnje trjebne.

Wudanki za nakup abo zgótowjenje pšedmjatow mógu se ako finacielneje pódpěry zamóžne pšipóznawaś, jo-lic jo to za pšewježenje pšedewzeša nejlěpše góspodařske rozwězanje. W póžedanju ma se wuzjawiś, kak maju se pšedmjaty pó zakóńcenu pšedewzeša w zmysle załožbowego zaměra dalej wužywaś.

6. Póstupowanje

- 6.1 Póžedanja wó spěchowanje maju se zasadnje zapódaš z wužywanim wótpowědneho mustrowego formulara a ze wšyknymi trjebnymi pódlóžkami (glědaj 6.2) na Založbu za serbski lud.
Pó nabrankach a wudankach rozrědowany, dopoľny a wurownany kostowy a financěrowański plan jo wobstatk póžedanja a twórijo zaklad za zwěšćenje finacialneho pódpěrowanja zamóžnych wudankow.
Póžedanja za projekty 1. pollěta muse až k 30. septembroju pšedchadnego lěta pšedlažaš.
Projekty, kenž maju se w druhej połojcy lěta realizěrowaš, maju se až do 31.měrcja póžedaš.
Za projektowe pšedewzeša z póžedanym projektowym wolumenom wót wušej 10.000 euro maju se póžedanja až k 31. julijoju pšedchadnego lěta zapódaš.
Póžedańske formulary mógu se pla Založby za serbski lud, Postowe naměsto 2, 02625 Budyšin (tel.: 03591 550300, faks: 03591 550333, e-mail: stiftung-bautzen@sorben.com skazaš abo pšez webbok stiftung.sorben.com wótwołaš.
Pšosby njedejaji zasadnje niżej bys ako 250 euro spěchowańskeje sumy.
- 6.2 Póžedanju ma se ako pšitoga dodaš wobšyrne wopisanje projekta z koncepciju pšedewzeša.
Dalej maju se w póžedanju slědujuće dypki wujasniš:
- natwař projekta a wótběg
 - casowy plan a pšigótowanje, pšewježenje a dowobžělanje
 - pšedwizony zaměr pšedewzeša wótpowědujucy załožbowemu zaměroju (glědaj § 2 wustawkow Založby za serbski lud)
 - městno pšewježenja
 - wobžělniki / cilowa kupka
 - projektowy partner
 - pšigrónjenja na finacialne pódpěry a wugbaša tšesich
- 6.3 Dopokaz wó zaměroju wótpowědujuće wužywanje pšizwólonych srědkow ma se tak pšewjasć, ako to te w pšizwóleńskej wopowěšći stajone napóložjenja a dane płašece pódlañske póstajenja pšedwiže.
- 6.4 Za projektowe spěchowanje (z wuwzešim spěchowanja komunalnych dostawarjow finacialneje pódpěry) wupłašuju se finacialne srědki ako doprědkapłašenja wóthylajucy wót cysła 7.1 VwV k § 44 SÄHO pó cysle 7.5 togo přězy pomjenjonego VwV indiwiduelnje pó projektach na zaklaže wótpowědujucych pšosbow k wupłašenju wót dostawarjow finacialneje pódpěry napšesiwu pšizwóleńskej instituciji. Wusokóš tych srědkow wujžo z planowanych sumow, kótarež muse se zaplašiš, w ramiku zaměra pótrjebaneje finacialneje pódpěry za cas wót šesć mjasecow pó wupłašenju.
- 6.5 Wóthylajucy wót co. 6.4 płaše za slědujuće spěchowańske wobłuki wótrězka II spěchowańskeje směrnice tam sformulěrowane modalnošći wupłašenja:
- pismik G: Pódpěrowanje internatnych wuknikow serbsčiny Serbskego gymnaziuma w Budyšynje a Dolnoserbskego gymnazija Chóšebuz
 - pismik H: Pšipłašonki nosarjam licheje množinskeje pomocy a nosarjam zjawneje množinskeje pomocy z dwójorěcnymi (serbsko-nimskimi) kupkami w kraju Bramborska
 - pismik M: Stipendije a wukublańske spěchowanje pšez knigłowe pjenjeze
- 6.6 Za pšizwólenje, wupłašenje a wótlícenje finacialneje pódpěry ako teke za dopokazanje a kontrolěrowanje wužywanja a ewentuelnje trjebne wótporanje wopowěšći finacialneje pódpěry a slědkpominanje wužělonje finacialneje pódpěry płaše zastojnstwowe póstajenja k § 44 sakskego góspodańskego pórěda, dalokož njejsu w toš tej směrnicy wóthylenja pšizwólone.

II. Wósebne póstajenje k spěchowańskim wobłukam

A. Serbske twórce wuměłstwo

1. Pšedmjat spěchowanja

- 1.1 Z financelneju pódpěru maju se napšawy spěchowaś, kótarež tomu pšinosuju, až se serbske twórce wuměłstwo we wšykných družynach wuchowajo a se dalej lichotnje wuwijaś a prezentěrowaś móžo.
- 1.2 Financelne pódpěry rozdźěluju se wósebnje za:
 - a) wustajeńce, pleinairy, workshopy a wuběžowanja
 - b) projekty k spěchowanju wuměłskega dorosta
 - c) zgromadne projekty profesionalnego wuměłstwa z lajskimi wuměłcami
 - d) projekty w zmysle šparty a žanry pšesegajucego zgromadnego žěła a splešenja
 - e) zgromadne projekty z wukrajnymi wuměłcami k woplěwanju serbskego twórcego wuměłstwa (wósebnje z partnerjami ze słowjańskich krajow a zastupnikami europejskich narodnych mjeńšynow)
 - f) dokumentacije a publikacije z pšeglědowym charakterom, wudaśe katalogow k personalnym wustajeńcam
 - g) nakupi wuměłskich kubłow

2. Forma a wobměra, wusokosć financelnej pódpěry

- 2.1 Financelna pódpěra za pšedewzeša pó cysle 1.2 pismiki a, c do f njesmějo w reguli 70 procentow financelneje pódpěry zamóžnych cełkownych wudankow pšesegaś.
- 2.2 Za pšedewzeša pó cysle 1.2 pismik b móžo spěchowanje maksimalnje až do 90 procentow financelneje pódpěry cełkownych wudankow wugótowaś.
- 2.3 Za nakup žěłow twórcego wuměłstwa ako znankstwo serbskego wuměłskega wuwiaśa pó cysle 1.2 pismik g njesmějo financelna pódpěra w reguli 49 procentow financelneje pódpěry zamóžnych wudankow pšewuś.

B. Serbske pšedstajajuće wuměłstwo

1. Pšedmjat spěchowanja

- 1.1 Z financelneju pódpěru maju se napšawy spěchowaś, kótarež tomu pšinosuju, až se serbske pšedstajajuće wuměłstwo we wšykných družynach (žiwadło, reja, medijowe wuměłstwo a konceptowe wuměłstwo) wuchowajo a se dalej lichotnje wuwijaś a prezentěrowaś móžo.
- 1.2 Pšizwólenje financelnych pódpěrow žo wósebnje za:
 - a) nowoinscenacije, choreografije
 - b) wuměłske kwalificěrowanje dorosta a w amaterskem wobłuku
 - c) projekty w zmysle šparty a žanry pšesegajucego zgromadnego žěła a splešenja
 - d) zgromadne projekty profesionalnego wuměłstwa z lajskimi wuměłcami
 - e) zmanjanja, workshopy a wuběžowanja
 - f) zgromadne projekty z wukrajnymi wuměłcami k woplěwanju serbskego pšedstajajucego wuměłstwa (wósebnje z partnerjami ze słowjańskich krajow a zastupnikami europejskich narodnych mjeńšynow)

2. Forma a wobměra, wusokosc financielneje pódpěry

- 2.1 Rozmnoženje a rozšyrjenje wobrazowego materiala a zukowych nagrawanjow njedajotej se pšawidlownje financielnje pódpěrowaś.
- 2.2 Financielne pódpěrowanje pśedewzešow pó cysle 1.2 pismiki c do f njesmějo w reguli 70 procentow financielneje pódpěry zamóžnych cełkownych wudankow pšewuśyś.
- 2.3 Za pśedewzeša pó cysle 1.2 pismik a plus b móžo spěchowanje až do maksimalnje 90 procentow financielneje pódpěry zamóžnych cełkownych wudankow wugótowaś. Woblicenja móžna wusokosc honorara za pśedewzeša pó pismiku b žo pó kwalifikaciji dostawarja honorara, njedej pak zwjerchnu granicu wót 25 euro na gózinu pšewuśyś.

C. Serbska literatura

1. Pśedmjat spěchowanja

- 1.1 Z financielneju pódpěru maju se napšawy spěchowaś, kótarež tomu pśinosuju, až se serbska literatura we wšykných družynach wuchowajo a dalej lichotnje wuwijaś a prezentěrowaś móžo.
- 1.2 We wobłuku serbskeje literatury spěchuju se pśedewšym slědujuce pśedewzeša:
 - a) dny literatury, cytańske rědy, literarne zarědowanja (zasadnje w serbskej rěcy)
 - b) wuběžowanja, žěłafnicki
 - c) projekty k spěchowanju literarnego dorosta
 - d) projekty w zmysle špary a žanry pśesegajucego zgromadnego žěła
 - e) zgromadne projekty z wukrajnymi wumělcami k woplěwanju serbskeje literatury (wósebnje z partnerjami ze słowjańskich krajow a zastupnikami europejskich narodnych mjeńšynow)
 - f) pśiplaśonki šišćařskim kostam za edicije a pśiplaśonki za produkcije e-bookow serbskeje literatury w nimskej abo drugej rěcy
- 1.3 Pśiplaśonki šišćařskim a produkciskim kostam pó cysle 1.2 pismik f pśizwólju se jano, jo-lic móžo se edicija nanejmenjej jadnej ze slědujucych kategorijow pśirědowaś:
 - přědnicki,
 - monografije,
 - edicije, kenž wó Serbach informěruju (informaciska winowatosć),
 - edicije, kenž su za cełkowne wuwise Serbow bytostne abo kenž je
 - póstajaju.

Pśizwóljo-li se pśiplaśonk šišćařskim / produkciskim kostam, woblicyjo se toś ten z difference mjazy cełkownymi wudankami a wócakowanym pśedawańskim nawikowanim z přědnych tśich lět pó wuchadanju edicije.

Edicija njesmějo w swójskem nakładnistwje wujś a móžo se jano spěchowaś, gaž jo přědne wózwajenje.

2. Forma a wobměra, wusokosc financielneje pódpěry

- 2.1 Pla pśedewzešow pó cysle 1.2 pismiki a, d a e mógu se na kuźde cytanje (z diskusiju woglědarjow), kenž se jano w serbskej rěcy pšewježo, honorarne wudanki we wusokosci až do 250,00 euro ako financielneje pódpěry zamóžne pśipóznaś. Za dwójorěčne/rěcnje měšane cytanja ze se pśizamknjeceju diskusiju (serbski a nimski) mógu se honorarne wudanki we wusokosci až do 200,00 euro ako financielneje pódpěry zamóžne pśipóznaś.
- 2.2 Pśizwólenje za pśedewzeša pó cysle 1.2 pismik b njesmějo pó reguli 70 procentow financielneje pódpěry zamóžnych cełkownych wudankow pšewuśyś.
- 2.3 Pla pśedewzešow pó cysle 1.2 pismik c móžo spěchowanje až do maksimalnje 90 procentow financielneje pódpěry zamóžnych cełkownych wudankow wugótowaś.

- 2.4 Pla pšedewzešow pó cysle 1.2 pismik f njesmějo financelna pódpěra pó reguli 70 procentow financelneje pódpěry zamóžnych celkownych wudankow pšewušyš.

D. Serbska muzika

1. Pšedmjat spěchowanja

- 1.1 Z financelneju pódpěru maju se napšawy spěchowaš, kótarež tomu pšinosuju, až serbska muzika se we wšych družynach wuchowajo a se teke dalej lichotnje wuwijaš a prezentěrowaš móžo.
- 1.2 Financelne pódpěry se wósebne pšizwóluj za:
- a) pšedstajenja, wuběžowanja, žěłańnicki,
 - b) wumělske kwalificěrowanje dorosta a w amaterskem wobłuku,
 - c) zgromadne projekty profesionalnego wumělstwa z lajskimi wumělcami,
 - d) projekty w zmysle šparty a žanry pšesegajucego zgromadnego žěta a splešenja,
 - e) zgromadne projekty z wukrajnymi wumělcami k woplěwanju serbskeje muziki (wósebne z partnerjami ze słowjańskich krajow a zastupnikami europejskich narodnych mjeńšynow),
 - f) kompoziciske nadawki w zmysle załožbowego zaměra.

2. Wuměnenja za financelnu pódpěru

- 2.1 Pšedewzeša pó cysle 1.2 pismiki a do e se jano spěchuju, jo-lic wobpšimjejo repertoire nanejmenjej 60 procentow serbskeje muzikoweje literatury.
- 2.2 Pla kompoziciskich nadawkow pó cysle 2.1 pismik f musy prapremjera byš w serbskem sedleńskem rumje Lichotneho stata Sakska respektiwnje w starodawnem sedleńskem rumje Serbow Bramborskeje.

3. Forma a wobměra, wusokóš financelneje pódpěry

- 3.1 Rozmnoženje a rozšyrjenje wobrazowego materiala a zukowych nagrawanjow njesu pšawidlownje financelneje pódpěry zamóžne.
- 3.2 Financelna pódpěra za pšedewzeša pó cysle 1.2 pismiki a, c do e njesmějo zasadnje 70 procentow financelneje pódpěry zamóžnych celkownych wudankow pšewušyš.
- 3.3 Za pšedewzeša pó cysle 1.2 pismika b móžo spěchowanje maksimalnje 90 procentow financelneje pódpěry zamóžnych celkownych wudankow wucyniš. Woblicenja móžna wusokóš honorara za pšedewzeša pó pismiku b žo pó kwalifikaciji dostawarja honorara, njedej pak zwjerchnu granicu wót 25 euro na góžinu pšewušyš.

E. Woplěwanje domownje a nałogow

1. Pšedmjat spěchowanja

- 1.1 Financelne pódpěry služe zaměroju, awtochtone serbske nałogi, serbsku rěc, narodne drastwy, ludowu muziku a reje wuchowaš a rozšyrjaš, aby se stakim identifikacija serbskich wobydlarjow z swójeju domownju a swóжими tradicijami pódpěrowała.
- 1.2 Financelne pódpěry se pšedewšym rozdawaju za:
- a) nakup serbskich drastwow a drastwowych žělow k woplěwanju serbskeje kultury a serbskich nałogow,
 - b) nakup tradicionelnych serbskich ludowych instrumentow,
 - c) žěłańnicki, wuběžowanja
 - d) prezentaciju serbskeje rěcy we wobłuku zarědowanjow woplěwanja nałogow, gaž se te njepšewjedu w komunalnym nosaštwje abo jich nadawku.

2. Forma a wobměra, wusokosc' financielneje pódpery

2.1 Spěchowanje njesmějo

- a) za pśedewzeša pó cysle 1.2 pismik a normalnje 49 procentow, pla stilizěrowanych rejoyańskich drastwach maksimalnje 70 procentow
- b) za pśedewzeša pó cysle 1.2 pismika b a c maksimalnje 70 procentow
- c) za pśedewzeša pó cysle 1.2 pismik d maksimalnje 50 procentow financielneje pódpery zamóžnych celkownych wudankow pšewuśyś.

2.2 Pla pśedewzešow pó cysle 1.2 pismik a za žiši a młodostne se až do 70 procentow financielneje pódpery zamóžnych wudankow spěchuju.

F. Projekty ze žišimi a młodostnymi / wódychanje žiši

1. Pśedmjat spěchowanja

1.1 Pśedmjat spěchowanja jo žěło ze žišimi a młodostnymi ze zaměrom, wužywanje serbskeje rěcy wuchowaś, wukšuśiś a wóžywiś, serbske rěčne rummy wukšuśowaś a znaša wó serbskich stawiznach, kultury, nałogach a tradicijach pórědnjaś .

1.2 Toś ten zaměr se pśedewšym pšez slědujuce napšawy zwopšawdnjujo:

- a) pśigótowanje a pšewježenje kulturnych a kublańskich projektow,
- b) kontakty a zmananja serbskich žiši a młodostnych Górneje a Dolneje Łužyce, teke generacije pšesegujucy,
- c) žělańnicki a wuběžowanja,
- d) inowatiwne rěc spěchujuce projekty,
- e) koncerty za žiši a młodostne,
- f) pšewježenje prozninskih campow.

2. Wuměńjenja za financielnu pódperu

2.1 Za wšykne pód cyslom 1.2 pomjenjone projekty ma se dosegajuće dwójorěčne wobstaranje zawěściś. W normalnem paže woglědujo se poměr wót žaseś wobžělnikow na jadnogo wótkublarja ako pšiměrjony.

2.2 Za napšawy pód pismikoma d a f jo pśedpołożenje fachniski funděrowanego koncepta za nałożowanje a skšuśenje serbskeje rěcy w projekće trjebne.

3. Forma a wobměra, wusokosc' financielneje pódpery

3.1 Financielna pódpera za pśedewzeša pó cysle 1.2 pismika a plus b pšizwólju se w formje pšiplaśonkow k pšebywańskim dnjam (na wobžělnika se pšěgujuca dnjowna sajzba). Pši tom płašitej dnja pši- a wójtězda gromaže ako jaden pšebywański žeń.

3.2 Za jadnodnjowne napšawy pó pismikoma a plus c pšizwólju se 5,00 eurow a za wěcejdnjowne napšawy až do 10,00 eurow na žeń a wobžělnika. Kublański pózěł zwenkašulskego kublańskego projekta dej nanejmnjenjej šesć jednotkow pó pšecej 45 minutow na žeń wopšimjeś.

3.3 Financielne pódpery za pśedewzeša pód pismikoma c plus e mógu až do 90 procentow financielneje pódpery zamóžnych wudankow wucyniś.

3.4 Za inowatiwne rěc spěchujuce projekty pó pismiku d móžo we wuwześnych padach sajzba spěchowanja až do 95 procentow financielneje pódpery zamóžnych wudankow wucyniś.

3.5 Spěchuju se zgromadne wódychańske napšawy žiši a młodostnych pó pismiku f), žož cas pšebywanja nanejmnjenjej 7 dnjow a nejwušej 14 dnjow wucynijo.

Financielna pódpera se pšizwóljujo we formje pšiplaśonka k dnjam pšebywanja (na wobžělnika se pšěgujuca dnjowna sajzba). Pši tom płašitej dnja pši- a wójtězda gromaže ako jaden žeń pšebywanja.

Wusokosc' financielneje pódpery za pšewježenje wódychańskich napšawow za žiši a

młodostne wucynijo pśi pśiměrjonem swójskem wobźělenju na zeń a wobźělnika až do 10 euro. Trjebne wobstararje se zalicyju do woblicenja pśiplaśonkow. Zakład jo licba wobźělnikow ako jo była znata pśi stajenju póžedanja.

G. Pódpěrowanje internatnych wuknikow Serbskego gymnazija Budyšin a Dolnoserbskego gymnaziuma Chóšebuz

1. Pśedmjat spěchowanja

1.1 Financielne pódpěry se pśizwólju k wudankam trjebnego njedomacnego bydlenja (wósebnje pśebywanje a wobstaranje) w šuli pśirědowanem internaše wuknikam Serbskego gymnazija Budyšin a Dolnoserbskego gymnaziuma Chóšebuz.

2. Dostawarje financielneje pódpěry

2.1 Dostawarje financielneje pódpěry su wukniki až do 18. žywieńskego lěta zastupjone pśez swóich starjejšych, teju dweju pomjenjoneju serbskeju gymnaziumowu w Budyšynje a Chóšebuzu.

3. Wuměńjenja za financielnu pódpěru

3.1 Financielna pódpěra se pśizwólju,

- gaž wuknik se wšednje njewrošijo do swójego głownego bydlenja (njewótwisnje wót celkownego jězdneho casa) a dla toho w jadnom gymnazijowu pśirědowanem internaše bydli
- a regularnje do gymnazija chójži. Šula ma chójženje do šule za póžedany cas wobkšuśiš.

4. Forma a wobměra, wusokosc financielneje pódpěry

4.1 Financielna pódpěra se pśizwólju w ramiku projektowego spěchowanja we formje kšuteje financěrowańskeje sumy, žož se pśiplaśonk slědk plaśiš njemusy.

4.2 Pśizwólju se mjasecna suma we wusokosci 138 euro na maksimalnje 11 mjasecow za lěto.

5. Póstupowanje

5.1 Financielna pódpěra se pśecej pózdzej pó zakóńcenju lětnego šulskiego kwartala póžeda, pśizwólju a wupłašijo, to groni póžedanje se pósěgujo pśecej na mjasece zakóńconego kwartala šulskiego lěta. Za stajenje póžedanja ma se wužywaś pśigótowany póžedański formular wótpowědujucy tym tam zapisanym wótedańskim casam (na webbokach Założby za serbski lud pód stiftung.sorben.com).

Docasny zachopjeńk napšawy se pśizwólju pód žiwanim na dokońčenje wuměńjenjow financielneje pódpěry.

5.2 Póžedanju maju se ako dopokaz nastatych wudankow slědujuce pódložki ako kopije pśiscyniš:

- najmańske dogrono (jo-lic až jo trjeba zliceńki)
- dopokaz (na pśikład kontowy wušeg abo kwitowanje) wó zapłaśenju pśebywańskich kostow; z dopokaza muse wujś mě plaśenja winowatego, dostawarja plaśenja, plaśona suma a zaměr plaśenja.

5.3 Financielna pódpěra se plaśi z pśepokazanim na to wót póžedarja pomjenjone konto.

H. Financielne pódpěry nosarjam lichotnej młožinskej pomocy a nosarjam zjawnej młožinskej pomocy z dwójorěcnymi (serbsko-nimskimi) kupkami w Bramborskej

GLĚDAJŚO! Założbowa rada jo dnja 08.12.2020 wobzamknuła, až se wotrězk II pismik H spěchowańskej směrnice na njewěsty cas wusajźijo. (wobzamknjenje nr. 598)

1. Pšedmjat spěchowanja

- 1.1 Pšedmjat spěchowanja jo dwójorěcne wuwise žiśi z pomocu pó móžnosći dokołnej rěcnej imersije w serbskej rěcy (wótpowědujucy principoju „jadna rěc – jedna wósoba“) w pšedšulskej starstwje w žiśownjach.
- 1.2 Dostawarje financielnej pódpěry su te w starodawnem sedleńskem rumje Serbow Bramborskej (Serbska kazń wót 7. julija 1994 w aktualnej wersiji wót 1. junija 2014) žělajuce a pó § 75 Serbskej kazni VIII pšipóznate nosarje zjawnej młožinskej pomocy a nosarje lichotnej młožinskej pomocy, kenž w jednotliwych kupkach w ramiku swójjich žiśownjow wótpowědujucy swójomu spěchowańskemu konceptoju rěcy dwójorěcne kubłanje žiśi w serbskej rěcy z pomocu dokołnej rěcnej imersije praktikěruju.

2. Wuměnjnja za financielnu pódpěru

- 2.1 Wudokołnjucy k zaměram a nadawkam pó wótstawku 1 § 3 kazni wó žiśownjach Bramborskej wót 27. junija 2004 (GVBl. I/04 nr. 16, b. 384), slědny raz změnjona pšez kazń wót 27. julija 2015 (GVBl. I nr. 21), spěchuju žiśownje wuwise žiśi ze zaměrom dwójorěcnosći. Wóni twórje wuměnjnja, aby žiśam chójženje do šule pó BbgSchulG wót 24. maja 2004 (GVBl. I/05, nr. 13, b. 196), slědny raz změnjona pšez kazń wót 25. januara 2016 (GVBl. 16 nr. 5) wótstawk 2 § 5 zmóžnili a žělaju wusko gromadu z tymi šulami.
- 2.2 Za serbskorěcne wobstaranje žiśi muse se zasajžaś fachniki, kenž serbsku rěc wobkněže.
- 2.3 Pši kubłanju, wótkubłanju a wobstaranju ma se serbski powědaś.

3. Forma a wobměra, wusokosć spěchowanja

- 3.1 Financielna pódpěra Założby za serbski lud se wudawa ako lětny pšiplaśonk na kupku we wusokosći 5.000 euro. Pšiplaśonk dej se wužywaś
 1. we wusokosći 88 procentow za financěrowanje wušej personalnego kluca lažeceje personalnej pótrjeby wótstawk 3 § 10 kazni wó žiśownjach Bramborskej za kupkowe žěło, pšigótowańske a dožělańske case abo starjejšyske žěło.
 2. we wusokosći 12 procentow za financěrowanje specifiskeje pótrjeby fachowego póražowanja abo dalejkubłanja za dokołnenje pominanjow pó dypkach 2.1 a 2.2 teje směrnice.
- 3.2 Financielna pódpěra se w ramiku projektowego spěchowanja ako financěrowanje z kšuteju sumu pšizwóljo.

4. Póstupowanje

- 4.1 Póžedanje na pšizwólenje financielnej pódpěry za pšiduce lěto ma se lětnje až do 30. septembra pšez zjawnego abo lichego nosarja žiśownjow pla pšizwólowańskega zastojnstwa zapódaś.

Póžedanje musy wopšimjeś slědujuce póđložki:

- dokradne pódaša k rěc spěchujucemu konceptoju, pó kótaremž se w pedagogiskej koncepciji rěc pósrědnja
- licba spěchowanja zamóžnych kupkow w žiśowni

- licba wobstaranych žiši w spěchowanja zamóžnej kupce
- licba dwójorěcných wótkubłařkow a wótkublarjow w tej žiśowni z pódašim tyžeńskich žělowych góžinow a dopokazom rěcneje kwalifikacije

Za stajenje póžedanja ma se pódaný póžedański formular wužywaš (na webbokach Załožby za serbski lud pód stiftung.sorben.com)

- 4.2 W nadawku pśizwólowańskego zastojnstwa kontrolěrujo Rěcny centrum WITAJ, lěc su wuměńjenja pó dypku 2 toš teje směrnice w žiśowni dapołnjone. K tomu ma se Rěcnemu centrumoju WITAJ pśistup do institucije zmóžniš a trjebne informacije maju se daš.
- 4.3 Financielna pódpěra se dawa w žělných sumach we wusokóci dwójcy dwanastego žěla teje za kalendařske lěto pśistojecyje sumy kuždy drugi mjasec.

I. Zwenkainstitucionalne wědomnostne žěło

1. Pśedmjat spěchowanja

- 1.1 Spěchuju se napšawy wědomnostnego a popularnowědomnostnego charaktera na pólu serbskeje rěcy, stawiznow, wumělstwa a kultury.
- 1.2 To pśitrjefijo wósebnje za:
 - a) napšawy k woplěwanjeju, wuchowanjeju a wuwiseju rěcy,
 - b) projekty za spěchowanje wědomnostnego dorosta,
 - c) napšawy, kótarež služe narodnej a mjazynarodnej wědomnostnej wuměnje,
 - d) sympoziumy a druge wědomnostne a popularnowědomnostne zarědowanja,
 - e) wudawanje wědomnostnych a popularnowědomnostnych publikacijow a informaciskich materialijow.

2. Forma a wobměra, wusokóć financielneje pódpěry

- 2.1 Pśizwóljo-lic se pśiplaśonk k šišćařskim kostam za pśedewzeša pó numerje 1.2 pismik e, toš wulicyjo se ten z diference mjazy celkownymi wudankami a wócakowanym pśedawańskim nawikowanim přědnych tšich lět pó wuchadanju publikacije. Financielna pódpěra njesmějo normalnje 70 procentow financielneje pódpěry zamóžnych celkownych wudankow pšewušyš.
- 2.2 Za napšawy pó numerje 1.2 pismik a do d móžo spěchowanje maksimalnje až do 90 procent financielneje pódpěry zamóžnych celkownych wudankow wucyniš.

J. Rěcne kurse za górno- a dolnoserbsku rěc

1. Pśedmjat spěchowanja

- 1.1 Spěchuju se kurse, kótarež služe zwenkašulskemu nawuknjenjeju górno- a/abo dolnoserbskeje rěcy.

2. Wuměńjenja za financielnu pódpěru

- 2.1 Pśedewzeše pó cysle 1.1 móžo se spěchowaš, gaž se nanejmenjej 4 wósoby na kursu wobžěluju.

3. Forma a wobměra, wusokóć financielneje pódpěry

- 3.1 Financielna pódpěra za rěcne kurse se woblicyjo z diference mjazy napšawdnymi pśinoskami wobžělnikow a za pšewježenje kursa trjebnymi wudankami pó wuměńjenim póstajenja zawězujuceje minimalneje licby wobžělnikow.

K. Njestatne serbske muzeumy a domowniske śpy

1. Pśedmjat spěchowanja

- 1.1 We wobłuku njestatnych muzeumow a domowniskich śpow spěchuju se wósebnje slědujuce pśedewzeša:
- a) prezentacija nazběraných kubłow, kenž maju kulturnohistoriski wuznam za serbski lud we wustajeńcach ako se institucionelnje njespěchuju,
 - b) žěło z woglědowarjami a woglědowańskimi kupkami (muzeumowa pedagogika),
 - c) nakup wuznamnych muzeumowych kubłow k wudopólnjenju wobstatkow a zběrkow,
 - d) restawracija muzeumowych kubłow, wósebnje wurědnje drogotnych a wogrozonych objektow,
 - e) napšawy k pólěpšowanju konserwatoriskich wuměńjenjow,
 - f) wužělanje muzeumowych, zběrkowych a wustajeńskich koncepcijow,
 - g) wugbaša k nowowugótowanju stawnych wustajeńcow,
 - h) fachowe zejženja a zarědowanja,
 - i) wudawanje za muzeumy specifiskich fachowych publikacijow.

2. Wuměńjenja za financelnu pódpěru

- 2.1 Wuměńjenja za spěchowanje pśedewzešow pó cysle 1.1 pismiki a do g su:
- a) wobwěšćone swójtrowe poměry nastupajuće twarjenja a zběrki ako teke w dosegajucej měrje wustajanja gódne wobstatki,
 - b) na pśedmjat wězana, funděrowana zběrkowa a wustajeńska koncepcija ako teke zarucenje pśiměrjonego fachowego póražowanja,
 - c) pśiměrjone, pšawidłowne wótwórjeńske case.

3. Forma a wobměra, wusokosć financelneje pódpěry

- 3.1 Financelna pódpěra pó cysle 1.1 njesmějo zasadnje 50 procentow financelneje pódpěry zamóžnych wudankow pšewuśyś.

L. Pśedewzeša w sociokulturnem wobłuku

1. Pśedmjat spěchowanja

- 1.1 Pśedmjat spěchowanja su napšawy, kótarež słuže wuchowanju a wuwěseju serbskeje kultury (folklor, žywjeńskeje wašni, žywjeńskego wuraza) a rozšyrjenju serbskich rěcnych rumow, pśi comž zabjerjotej zwuraznjenje a wukšušenje narodneje identity Serbow bytostne městno.
- 1.2 Spěchuju se wósebnje pśedewzeša, kótarež se na zakłaže inowatiwnego charaktera abo na zakłaže wopśimješoweje kwalitaly ze spektruma sociokulturnych póbitowanjow wuzwiguju a
- a) we wuskem póšěgu k serbskej rěcy stoje,
 - b) nowe impulse dawaju k wuwěseju sociokulturnych konceptow a maju nadregionalnu wucynjatosć,
 - c) profilěrowanju a rozšyrjenju generacije pśesegujucego spektruma sociokulturnych póbitowanjow słuže a we wobłuku sociokulturnego žěła nowe akcenty sajzaju,
 - d) wósebnje, inowatiwne serbskorěčne póbitowańske a akciske formy wuwijaju a pśistup k etablěrowanym kulturnym špartam spěchuju a toś te kreatiwnje do projektowego žěła zawězaju,
 - e) wuske zgromadne žěło serbskego a njeserbskego wobydlařstwa spěchuju a stakim na bikulturelne žywenje w serbskem sedleńskem rumje respektiwnje starodawnem sedleńskem rumje Serbow trjefje a mjazsobne rozměše spěchuju,
 - f) słuže historiski roscónym zwiskam Serbow k słowjańskim susedam w zmysle twarjenja móstow mjaz Nimskeju a pódzajtšneju Europu,
 - g) wuwijańske napšawy a napšawy k zwěžanju do seši.

1.3 Spěchowaś se njamóžo jano zarědowańske statkowanje.

2. Forma a wobměra, wusokosć financelneje pódpěry

2.1 Spěchowanje pśedewzešow pó cysle 1.2 njesmějo normalnje 70 procentow financelneje pódpěry zamóžnych cełkownych wudankow pšewuśyś.

M. Stipendiumy

Spěchowanje semesterskego stipendiuma za studij sorabistiki na Lipšćańskej uniwersiće za studenty pśedewšym z pódzajtšneje Europy

1. Pśedmjat spěchowanja

1.1 Stipendiumy dawaju se we wobłuku žělnego studiuma sorabistiki na Lipšćańskej uniwersiće.

1.2 Dawanje sluży spěchowanju a zawěsćenju wědomnostnego dorosta wósebnje we wobłuku sorabistiki.

2. Dostawarje financelneje pódpěry

2.1 Stipendiumy za žělny studium sorabistiki se dawaju pśedewšym studentam z pódzajtšnoeuropskego wukraja, kenž 32. žyweńske lěto hyšći zakóncyli njesu.

2.2 Póžedańske wuměnjenje jo wótzamknjony zakładny studium (stwórty. semester) slawistiki abo podobnych fachowych směrow na domacnej uniwersiće.

3. Forma a wobměra, wusokosć financelneje pódpěry

3.1 Stipendiumy pśizwólju se ako mjasecne pśiplaśonki na 10 mjasece, kenž njemuse se slědk plaśiš.

3.2 Stipendiumy se dawaju lětnje maksimalnje tšom studentam. Mjasecny zakładny stipendium wucynijo 800 euro, k tomu pśižo 50 euro na semester za nakup kniglow.

4. Póstupowanje

4.1 Stipendiumy se lětnje zjawnje k dawanju wupisuju. W tom se pomjenjone póžedańske case, wósebne wuměnjenja a jadnotliwe pódložki, kenž maju se pśizwóleńskemu pismoju pśipolożyś. Informacije k póžedańskemu póstupowanju stoje teke pód stiftung.sorben.com k dispoziciji.

4.2 Póžedanja se pśespytuju a pógódnošuju wót wěcywuznateje fachoweje pśirady, póstajoneje wót Założba za serbski lud. Rozsuženje wó rozdawanju stipendijow a pšewježenju spěchowańskego póstupowanja laży pla Założby za serbski lud.

Dawanje stipendijow studujucym fachowego směra sorabistika a ceptařstwa za serbšćinu

1. Pśedmjat spěchowanja

1.1 Spěchuju se nadpšerězne wugbaša studujucych studijneje fachoweje kombinacije filologija fachowy wobłuk sorabistika a ceptařskich fachowych kombinacijow serbšćina na Lipšćańskej uniwersiće ze zaměrom dobywanja wjednikojskego dorosta na pólu kubłanja, serbskeje rěcy a kultury.

2. Dostawarje financelneje pódpěry

2.1 Dostawarje financelneje pódpěry su studujuce tych pód 1.1 pomjenjonych fachowych kombinacijow Lipšćańskeje uniwersity pó zakóncenju drugego semestra.

3. Wuměnenja za finacielnu pódpěru

- 3.1 Finacielna pódpěra se jano pšizwólju, gaž se slědujuce wuměnenja dopołnjuju:
- studium filologije fachowy wobłuk sorabistika abo studium ceptařstwa serbsčina
 - studijne wugbaša na uniwersiće Lipsk radnje nad pšerězkom wótpowědujuceje pširownowańskeje kupki (studijnego směra)
 - znamkowy pšerězk k pósužowanju wzetych pšespytowanjow, wucbnych zarědowanjow a wědomnostnych žěłow nic špatnej ako 2,0
 - towarišnostny angažement w serbskem zjawnem žywjenju
 - pšawo na dostawanje wopšimjejo zasadnje za absolwěrowanje studiuma pšedwižony studijny cas (regularny studijny cas).

4. Forma a wobměra, wusokosć finacielneje pódpěry

- 4.1 Stipendije se pšizwólju ako mjasecne pšiplašonki za cas 12 mjasecow, kenž njemuse se slědk plašís.
- 4.2 Stipendium wucynijo 200 euro na mjasec.
- 4.3 Cas dostawanja jo za studenta na styri semestry wobgranicowany.

5. Póstupowanje

- 5.1 Stipendije se lětnje na zachopjeńku lěšojskego semestra zjawnje wupisuju. Informacije k póžedańskemu póstupowanju stoje teke pód stiftung.sorben.com k dispoziciji.
- 5.2 Póžedanje na ten stipendium ma se we wupisanju póstajonem casu z trjebnymi pódožkami pla Założby za serbski lud zapódaš. Slědujuce pódožki musy wopšimješ:
- póžedański formular
 - kopije studijnych rezultatow
 - wobkšusjenje pšizwóleńskich wuměnenjow.
- 5.3 Póžedanja se pšespytuju a pógódnošuju wót wěcywuznateje fachoweje pširady, póstajoneje wót Założba za serbski lud. Rozsuženje wó pšizwólenju stipendija a pšewježenju spěchowańskego póstupowanja lažy pla Założby za serbski lud.
- 5.4 Wótpadnu-lic w běgu pšizwóleńskego casa spěchowańske wuměnenja, wopšestanjó pšawo na dalejplašenje stipendiuma.

Wukublańska pódpěra za wótkublańki a wótkublarje (fachowy wobłuk socialne nastupnosći) z pjenjezami za knigły

1. Pšedmjat spěchowanja

- 1.1 Spěchuju se jadtake pjenjeze za knigły, kenž maju wukubłujucym pó numerje 3.1 teje směrnice zmóžniš, specielnu fachowu a wěcnu literaturu (teke we formje elektroniskich medijow) za rěcne wukublanje a pšedmjase serbsčina a metodisko-didaktiske wukublanje sebje kupíš.

2. Dostawarje finacielneje pódpěry

- 2.1 Dostawarje finacielneje pódpěry su wótkublańki a wótkublarje (Fachowa šula za socialne nastupnosći/fachowy směr socialna pedagogika) na Serbskej fachowej šuli za socialne nastupnosći pší Powołańskem šulskem centrumje za góspodařstwo a techniku Budyšin a na Fachowej šuli za socialne nastupnosći pší centrumje wušego schóžjeńka Chóšebuz 2. a 3. wukublańske lěto, kenž pódlu fachowego wukublanja intensiwne rěcne wukublanje we fachu serbsčina absolwěruju ze zaměrom, aby pózdzej byli rěcnje kwalificěrowany fachowy personal za dwójorěcne kublanje (serbsko-nimski) w žišownjach.

3. Wuměnjena za finacielnu pódpěru

- 3.1 Finacielna pódpěra se jano pšizwóljo, gaž se slědujuce wuměnjena dapołnju:
- wobžělenje na rěcnej wucbje za cely cas wukubłanja; w Budyšynje na niwowowem schójžeńku A, w Chóšebuzu z certifikaciju niwowowego schójžeńka A2 respektiwne B1 wótpowědujucy Zgromadnemu europejskemu referencnemu ramikoju za rěcy
 - zakóńcony praktikum w přědnem lěše wukubłanja we WITAJ-kupce abo we WITAJ-žišowni
 - wuspěšne wótzamknjenja wukubłanja w rěcnem pšedmjase serbsčina za cely wukubłański cas.

4. Forma a wobměra, wusokosć finacielneje pódpěry

- 4.1 Finacielna pódpěra se pšizwóljo ako projektowe spěchowanje we formje financěrowanja z kšuteju sumu, kenž se njemusy slědk płašić.
- 4.2 Spěchowanje woblicyjo se na knigłowe pjenjeze we wusokosći 80 euro na wukubłańske polěto a móžo se přědny raz pó wuspěšnem wótzamknjenju přědnego wukubłańskego lěta a nejdlej za cas 2. a 3. wukubłańskego lěta (maksimalnje styri raze za cely cas wukubłanja) pšizwólís.

5. Póstupowanje

- 5.1 Pšizwólowańske zastojnstwo jo Założba za serbski lud.
- 5.2 Założba za serbski lud pšizwóljo knigłowe pjenjeze jano na póžedanje. Wupisanje se gótujo na webbokach pšizwólowańskego zastojnstwa pó stiftung.sorben.com.
- 5.3 Póžedanje za knigłowymi pjenjezami ma se za kužde wukubłańske polěto wósebnje w póstajonem casu wupisanja pla pšizwólowańskego zastojnstwa zapódaš. Wóno musy slědujuce pódlóžki wopšimješ:
- wósebnny póžedański formular (stiftung.sorben.com),
 - wobkšušenje fachoweje šule za wuspěšne wobžělenje na rěcnej wucbje serbsčiny za kužde wukubłańske lěto,
 - wobkšušenje fachoweje šule wó praktikumje we Witaj-kupce abo Witaj-žišowni w 1. wukubłańskem lěše.
- 5.4 Wó pšizwólenju knigłowych pjenjez rozsužijo Założba za serbski lud.
- 5.5 Finacielna pódpěra wupłašijo se pó cysle 7.6 VwV k § 44 SāHO pó pšedpołożenju jadnorego wótlícenja.

N. Serbske kulturne pomniki

1. Pšedmjat spěchowanja

- 1.1 Spěchuju se napšawy, kenž služe zawěšćenju, wuchowanju, pšigótowanju za wužywanje a woplěwanju serbskich kulturnych pomnikow.
- 1.2 Serbske kulturne pomniki su w dalokem zmysle wšykne wót luži stwórzene objekty architektury, stawiznow, wumělstwa, techniki, rucnikařstwa, pšedstawiznow a pódobne, kótarež znanje wó wuwišu serbskeje kultury (na pš. twařske, gruntowe, kulturne, literarne pomniki).
We wušem zmysle rozměju se pó serbskimi kulturnymi pomnikami wopomnjeńske znamjenja na serbske wósoby resp. na tšojenja, kótarež su byli wuznamne za serbske kulturne wuwiše.

2. Zaměr finacielneje pódpěry, pšawniski zakład

- 2.1 Załožba pšizwólujšo na zakłaže Kazni za šćit a woplěwanje kulturnych pomnikow w Lichotnem staše Sakska (SächsDSchG wót 3. měrca 1993 w danej płašecej wersiji), pó pšikłaže zastojanskego pšedpisa wó pšizwólenju finacielnych pódpěrow k zdžaržanju a woplěwanju kulturnych pomnikow (SächsDSchföVO wót 18. februara 2009 w danej płašecej wersiji) a na zakłaže Kazni za šćit a woplěwanje pomnikow w Bramborskej (BbgDSchG wót 24. maja 2004 w danej płašecej wersiji) finacielne pódpěry za napšawy, kótarež služe šćitoju, woplěwanjeju abo dokumentaciji serbskich kulturnych pomnikow.

3. Wuměnjnja za finacielnu pódpěru

- 3.1 Napšawy na kulturnych pomnikach maju wótpowědowaš pominanjam a zaměram woplěwanja pomnikow, wósebnje tym w § 1 wótstawk 1 a § 8 wótstawk 1 SächsDSchG ako z § 1 wótstawk 1 a § 8 wótstawk 1 BbgDSchG pomjenjonym a maju se makaš gaž jo trjeba z pomnikošćitnymi pšawniskimi dowólnoscami. Notne dowólnosci a schwaljenja muse pšedlažaš do zachopjeńka napšawy. Pótrjefjony objekt musy ako serbski kulturny pomnik zapisany byš (glědaj „Inwentar serbskich kulturnych pomnikow“ Serbskego instituta z.t.).

4. Finacielneje pódpěry zamóžne wudanki

- 4.1 Finacielneje pódpěry zamóžne su zasadnje wěcne a honorarne košty.
- 4.2 Jo-lic spěchowanje woplěwańskich napšawow pomnikow teke pšez drugich móžne, ma stajaš póžedanja toš to druge spěchowanje póžedaš a swójo pówažne procowanje wó take spěchowanje dopokazaš.

5. Forma a wobměra, wusokosc finacielneje pódpěry

- 5.1 Pódpěra pšizwólujšo se ako projektowe spěchowanje.
- 5.2 Finacielne pódpěry za napšawy pó cysle 1 njedeje zasadnje 70 procentow finacielneje pódpěry zamóžnych wudankow pšewušyš.

6. Póstupowanje

- 6.1 Póžedanju maju se pšipoložyš:
- dopokaz wó swójtwe, wobsejžeństwje abo wó winowatosći twańskego wužaržowanja; swójtwo dopokazujo se pšez aktualnu kopiju zapisa w gruntowych knigłach (nic staršeje ako šesć mjasecow), wobsejženje a winowatosć twańskego wužaržowanja matej se w normalnem paže z pomocu wótpowědnych dogronow (na pš. najmańske dogrono) dopokazaš
 - dopokaz ewentalnje trjebnych dowólnoscow (twańska dowólnosc) dowólnosc pó pšawje šćita pomnikow, kopija wótpowědneho póžedanja)
 - pódaša k stajonym póžedanjam pla drugich dawarjow finacielneje pódpěry.
- 6.2 Konceptija ma wopšimowaš:
- wobrazowu dokumentaciju (wugroniwe barwojte fotografije abo barwojte kopije)
 - derje spóznajobne wobrazo wó škóže,
 - detailowe wopisowanje pšedewžeša inkluziwnje woplěwańskego zaměra pomnika a wugotowańskego nacerjenja,
 - rozkladowanja k wuznamoju pšedewžeša za dokumentaciju serbskego kulturnego wuwiaša.
- 6.3 Zapódane póžedanja se pšespytuju a gódnosc wót wěcywuznateje fachoweje pširady (komisija „Serbske pomniki – Sorbische Kulturdenkmale“ pši Mašice Serbskej z.t.).
- 6.4 Wó spěchowanju rozsuzijo Załožba za serbski lud.

III.

Nabyše a wusajženje płašiwosći

Załožbowa rada jo pśedlažecu směrnicu 23. maja 2023 wobzamknuła. Wóna nabywa płašiwosći na dnju pó wózwajwenju z boka Załožby za serbski lud na jeje webboce. Rownocasnje zgubijo płašiwosć spěchowańska směrnica Załožby za serbski lud we wersiji slědneje změny wót 04. apryla 2017.

Budyšin, 23. maja 2023

Marko Kowar
pśedsedař Załožboweje rady
Załožba za serbski lud